



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბერის საყდარი

ბერის საყდარი, X ს. ქართული ხუროთმოძღვრების ძეგლი სოფ. ერედვის მახლობლად (ახლანდ ერედვის მუნიციპალიტეტი), სამეკლესიიანი ბაზილიკის გვიანდ. ნიმუში (ამჟამად ძლიერ დაზიანებულია).

ძეგლი გარედან შემოსილი იყო სუფთად გათლილი ღვინისფერი ქვით, რ-იც შიგნით მხოლოდ კონსტრუქციულად მნიშვნელოვან ნაწილებში იყო გამოყენებული. სამხრ. შესასვლელი გაფორმებულია შუაში აღმართულ სვეტზე დაყრდნობილი ორმალიანი გახსნილი თაღებით.

ბ. ს-ის, როგორც სამეკლესიიანი ბაზილიკის, თავისებურებაა ის, რომ მის გარსშემოსავლელებში არ არის გამოყოფილი აღმოსავლეთის ოთახები – სამსხვერპლო და სადიაკვნე. იგი წარმოადგენს ერთიან, დაუნაწევრებელ გალერეას. ნაგებობა გადახურული იყო პილასტრებზე დაყრდნობილ საბჯენ თაღებზე ამოყვანილი კამარით. აღმ. ფასადს ამკობდა დეკორ. კომპოზიცია: ფართო, მოხუქურთმებული საპირით შემკული სარკმელი, რ-საც აგვირგვინებდა ასევე ფართო, მაგრამ სადა სათაური. სარკმლის ორივე მხარეს და ზემოთ თითო დეკორ. ჯვარი იყო ამოკვეთილი.

ლიტ.: М е п и с ა შ ვ ი ლ ი რ. ს., Ц и н ц ა დ з ე ვ. გ., Архитектура нагорной части исторической провинции Грузии – Шида-Картли, Тб., 1976.

**რ. მეფისაშვილი**

**ვ. ცინცაძე**

---